

Reykjavíkurborg kt. 530269-7609, Ráðhúsi Reykjavíkur og Kammerhópurinn Nordic Affect kt. 6505071850, Naustabryggju 27, 105 Reykjavík gera með sér svofelldan:

SAMSTARFSSAMNING

Samningur þessi fjallar um stuðning Reykjavíkurborgar við starfsemi Kammerhópsins Nordic Affect á tímabilinu 1. janúar 2018 til 31. desember 2020.

1. gr. Markmið

Meginmarkmið með stuðningi Reykjavíkurborgar við Kammerhópinn Nordic Affect er að styðja mikilvægan vettvang fyrir framsækna tónlist á Íslandi.

2. gr. Forsaga

Kammerhópurinn Nordic Affect er búinn að koma sér á kortið innan lands og utan sem framsækin tónlistarhópur. Starf Nordic Affect einkennist af nýstárlegri nálgun og frumleika í verkefnavali en hópurinn hefur frá upphafi starfs síns 2005 flutt allt frá danstónlist 17. aldar til raftónlistar okkar tíma. Hópurinn hefur komið fram á fjölda tónlistarhátíða og leikið inn á ýmsar hljómplötur sem hafa hlotið Íslensku Tónlistarverðlaunin og Kraumsverðlaunin ásamt frábærum viðtökum í erlendum tónlistarblöðum. Jafnframt hefur Nordic Affect verið valinn Tónlistarhópur ársins á Íslensku Tónlistarverðlaununum, verið tilnefndur til Tónlistarverðlauna Norðurlandaráðs og valinn Tónlistarhópur Reykjavíkurborgar. Listrænn stjórnandi Nordic Affect frá upphafi er Halla Steinunn Stefánsdóttir.

Kammerhópurinn hefur í gegnum árin unnið að verkefnum sem tengjast þekkingarsköpun okkar tíma, hvarfi frá karllægum gildum og skoðun á möguleikum tónlistar á 21. öld. Hópurinn á því í samtali við sinn tíma gegnum tónlist og vinnur í síauknu mæli út frá 'ecological perspective' eða með vistfræðinálgun að leiðarljósi. Slík nálgun innan tónlistar felur í sér allt frá skoðun á möguleikum hljóðfæra yfir í skoðun á tengslum hópsins við áheyrendur og það rými sem hann vinnur í, hvort heldur tónleikarýmið sjálft eða samfélagið. Mörg af þeim tónskáldum sem hópurinn vinnur með í dag eiga jafnframt í skemmtilegum tónlistartilraunum þar sem allt frá líkömnun og samspili milli flytjenda er skoðað yfir í að möguleikar tónlistar eru kannaðir til að veita okkur nýja sýn á t.d. samband manns og umhverfis. Þessi áhersla endurspeglast í verkefnum ársins 2018 og 2019 sem fylgja umsókn.

3. gr. Framlag Kammerhópsins Nordic Affect

Kammerhópurinn Nordic Affect tekur að sér að annast flutning tónlistar samkvæmt verkefnaáætlun hljómsveitarinnar er fylgdi umsókn. Nordic Affect sinnir tónleikum á innlendum hátíðum s.s. Myrkum músikdögum og Sumartónleikum í Skálholti, rannsóknum, plötuútgáfu, innlendum og erlendum samstarfsverkefnum, Vetrartónleikaröð Nordic Affect í Mengi, tónleikum erlendis, EBU tónleikum (Sambands Evrópskra Útvarpsstöðva), vinnustofum og vídeóupptökum. Á öllu kynningarefni Nordic Affect, jafnt innanlands sem utan, skal koma fram að hljómsveitin sé styrkt af Reykjavíkurborg og birtir hátíðin merki Reykjavíkurborgar í því skyni.

4. gr. Framlag Reykjavíkurborgar

Á samningstímanum leggur Reykjavíkurborg Nordic Affect til í beinum fjárframlögum kr. 1.000.000.- á ári 2018, 2019 og 2020. Upphæðin greiðist þann 16. – 18. mars ár hvert.

Framlög Reykjavíkurborgar vegna áranna 2019 og 2020 eru með fyrirvara um samþykkt fjárhagsáætlunar hverju sinni. Verði gerð umtalsverð breyting á fjárveitingu til samningsins á fjárhagsáætlun taka aðilar upp viðræður um aðlögun hljómsveitarinnar að breyttri fjárveitingu.

5. gr. Ábyrgð

Nordic Affect ber ábyrgð á að starfsemi hópsins fullnægi kröfum um fagmennsku og gæði. Nordic Affect ber ábyrgð á skuldbindingum sem hljómsveitin eða aðilar á hennar vegum stofna til í tengslum við þennan samning. Nordic Affect er óheimilt að framselja greiðslur skv. samningi þessum til þriðja aðila og setja hann með öðrum hætti til tryggingar fjárskuldbindingu.

6. gr. Samskipti og eftirlit

Samráðsfundur aðila samningsins skulu haldnir í ágúst - september árin 2019 og 2020 þar sem farið verður yfir framkvæmd samningsins. Nordic Affect skilar þá Menningar- og ferðamálasviði ársreikningi og skýrslu fyrra árs, og áætlun um rekstur og efnahag ársins. Skrifstofustjóri menningarmála boðar til fundanna.

7. gr. Vanefndir og meðferð ágreinings.

Telji Nordic Affect hættu á að geta ekki uppfyllt samningsbundnar skyldur sínar skal skrifstofustjóra menningarmála tilkynnt um það skriflega án tafar. Ef ekki tekst að endurskoða verkefnaáætlun þannig að markmiðum samningsins verði náð er skrifstofustjóra menningarmála heimilt að fella niður greiðslur eða rifta samningnum. Ef sýnt þykir að framlag Reykjavíkurborgar hafi verið notað í öðru skyni en samkvæmt samningi þessum áskilur Reykjavíkurborg sér rétt til að krefjast endurgreiðslu framlagsins að öllu eða að einhverju leyti og rifta samningnum.

8. gr. Gildistími

Samningur þessi er gerður í samræmi við samþykkt menningar- og ferðamálaráðs þ. 18. desember 2017 um styrki og samstarfssamninga ráðsins. Samningurinn gildir til 31. desember 2020. Samningurinn er gerður í tveimur samhljóða eintökum og heldur hvor aðili sínu eintaki.

9. gr. Fyrirvari og ágreiningur

Samningurinn er gerður með fyrirvara um samþykkt menningar- og ferðamálaráðs Reykjavíkurborgar og borgarráðs. Rísi ágreiningsmál út af samningi þessum skal það rekið fyrir Héraðsdómi Reykjavíkur.



Reykjavíkurborg
Menningar- og ferðamálasvið

Reykjavík,

26. /

2018

F.h. Reykjavíkurborgar

F.h. Kammerhópsins Nordic Affect

Vottar að rétttri dagsetningu og undirskrift:

Kristín V. Thuelekt
151160-4419

Inga mín Lífadóttir
050977-3829

[Handwritten signature]